



27. september 2017

Inatsisartut suleriaasiat § 37 naapertorlugu Naalackersuisut apeqquteqaat:

- 1. Ullumikkumut Kujataani angallannermik killiffiusoq qanoq Naalackersuisunit nalilerneqarpa?**
- 2. Innuttaasut ajornerusumik kiffartuunneqannginnissaanut anguniagaasoq ullumimut anguneqarsimanerpa? Taamaassimappat-taamaassimanngippalluunniit suut tunngaviuppat?**
- 3. Illoqarfiit akornanni, aammalu illoqarfiit nunaqarfiillu akornanni qulimiguulimmik imaluunniit imaatigut angallannermik akit naammagisimaarneqarnerlutik?**
- 4. Sullissinnermut killiffigisaq eqqarsaatigalugu qannoq annertutigisumik ilinniartoqarnermut/praktikkertarnermut qanoq sunniuteqarsimanersoq ilisimaneqarpa?**
- 5. Imaatigut silaannakkullu assartuineq suli pitsaanerulernissaanut suut suliniutaappat?**

(Inatsisartuni ilaasortaq Debora Kleist, Inuit Ataqatigiit)

Tunngavilersuut

2017-ip aallartinneraniit angallannermut kiffaartuusineq nutaaq atuutilersinneqartoq, inuiaqatigiinni assigiinngitsorpassuartigut qisuariarfigineqarlunilu oqallisaasimaqisup ullumikkumut killiffigisaa qanorlu inuiaqatigiinnut sunniuteqarsimane pingaaruteqarpoq paasisaqarfiginissaa. Anguniakkami angorusuttaq tassaasimavoq inuutaassut atugarisaanik ajornerulersitsinnginnissaa aammalu akitigut unamminartumik inuttaasut atugassaqartinneqarnissaat.

Pingaaruteqartut ilaagaat ilinniartoqarnermut tunngasuteqartoq, ilisimaneqarpormi Campus Kujallermi ilinniartoqarmat ukiumut arlaleriarlutik praktikkertarnermut angalasariaqartartunik. Kiisalu amerlaqisut sineriasuatsinnut juulliliarlutik, atuanngiffeqarnerullu nalaani angalasariaqartunik.

Kissaatigaara ullut qulit suliffiusut qaangiutinnginnerini akineqarnissara.